

2028.153  
36  
17

卷十三

節孝

卷十四

貞烈

邱墓


營制

才女

貢賦

26

17



安岳縣志



安岳縣志卷十三

節孝志

求節孝於男子難求節孝於婦人易難非真難也男子二  
心富貴功名舉足以動之易非真易也婦人一心刀鋸鼎  
鑊舉不足以奪之不然邑之節孝胡以若斯之盛歟願以  
告天下後世之有二心者

明劉氏劉漢女適楊廷鶚鶚登宏治乙酉鄉榜尋卒氏年  
二十二甘貧苦節教子成立有司將上其事氏曰婦  
人不再醮義也請旌是以節市名也不慙死亦恨死

安岳縣志

卷十三

節孝志

矣命其子急白止之壽八十餘終

張氏庠生湯勤德妻年二十夫卒無子妾生一子翁姑  
憐其少欲令改嫁氏以死自誓終日杜門不出昆弟  
亦不與見有司悉以聞於上旌表其門並給月米贍  
之

姚氏張寶妻年二十二夫亡無子矢志不貳家貧鬻衣  
飾營殯葬紡績自給苦節四十餘年宣德中旌表

杜氏宮居觀妻年十七而寡撫姪爲嗣事姑極孝不以  
窮困移志七十三卒事聞旌曰苦節





陶氏彭鶴端妻夫故遺一子成立爲娶旋俱亡又撫遺孫吉以光宗嗣年踰七十門戶不出萬厯知縣李湖詳請旌表

李氏嘉靖癸卯舉人達之孫女適饒以學學卒氏年十九撫養幼子備嘗艱苦事翁姑以孝聞

堯氏庠生孫暉妻年二十四暉卒氏慟絕殉死者數撫遺女矢志守節以終

楊氏張四聰妻聰沒撫遺腹子中奇成立始終無異志程氏湯蓄德妻年二十三夫病割股以進不愈遺一子

### 安岳縣志

#### 卷十三

節孝

二

銘甫二歲課之成立克光門第

李氏張貞學妻年十八夫亡無子守節自矢事翁姑極孝厯四十年如一日

黃氏劉永安妻年二十九夫卒家貧苦力勤耕織撫孤成立厯三十餘年卒

湯氏湯方伯後侍姑羅氏病篤割左股以救姑愈氏因傷重而死

國朝張氏康熙癸卯舉人張象樞女適中江縣廩生戴玳年二十二夫亡家甚貧艱辛備嘗姑尙存奉養稱職



不倦有二子無力延師氏素識詩書親爲課讀長維極有文名次維植中副榜子道父道師道氏兼之焉孀居後秉禮尤嚴雖姑姊見招不一往苦操經四十載如初

傅氏貴州桐梓縣庠生傅金榜女年十七歸邑童仕開闕二年生子文景開亡氏勤紡績奉翁姑菽水承歡及喪葬黽勉盡禮訓子以慈代嚴卒使有成終其身飲冰茹蘗怡如也

蔣氏趙楚祥妻年十六適趙越二年夫卒有遺腹子世

安岳縣志

卷十三

節孝

三

官時家徒壁立翁老多病氏勤於機杼以養俸侍湯藥未嘗懈怠翁卒哭之痛脫簪珥以治葬具撫子篝燈伴讀卒使有成年五十抱微疴與家人訣曰已矣吾可以見夫子於地下矣目遂瞑

旌表

以上三人俱乾隆時

黃氏彭天佑妻佑沒氏志矢柏舟教子成名縣令悉以上聞

周氏貢生周述昌女適貢生鄒調元子淑閔半載閔卒周哀慟幾絕矢志守貞踰四十年



尹氏監生李應楠妻年二十六夫故貞一自守事翁姑  
謹慎無違迨翁姑沒殯葬以禮撫子成立

陳氏李本祿妻年二十二夫故子甫二歲氏奉翁姑始  
終以禮撫子成立名列膠庠

王氏庠生周洛東妻夫故氏年二十八生三子矢志冰  
霜事翁姑竭力供養翁姑沒亦哀毀逾常撫子紡績  
送讀子有翼有愷孫鍾申俱列膠庠

漆氏郭元松妻氏年二十九生三子夫沒時翁姑年老  
孝養始終不渝教子義方子洪芸廩生

安岳縣志

卷十三

節孝

四

王氏內江縣庠生王望女適邑周崑生四子崑卒氏年  
二十五矢志守貞後子亦亡撫姪孫爲嗣事翁姑誠  
謹撫弱孫以慈爲本亦循循然以法度矜式之

張氏拔貢周嵩妻遂邑州同張懋政女年十九適周越  
七年而夫沒無出撫姪毓麟承嗣事親克孝教子有  
方苦節四十七年其孫元位己巳進士歷任陝西洵

陽知縣

黃氏王文桓妻桓卒氏年十九子道儒尙幼矢志從一  
撫子成立苦節五十五年



藍氏左仕相妻生二子夫沒氏年二十九矢志貞一事  
翁姑養隆敬篤厥後長子宏勳監生次子宏璋武生  
孫廷賓中壬午解元廷楨廩生廷魁庠生一門篤慶  
咸以爲孝德之報云氏年九十餘終

旌表  
以上十人俱嘉慶時

劉氏監生峴文岳妻中江舉人劉繼桂姊也氏歸峴生  
子運佳夫卒氏年二十一翁開發任廣東仁化知縣  
卒於官宦橐蕭然幾不能歸氏矢志松筠不因貧易  
撫子成立補廩生

### 安岳縣志

### 卷十三

節孝

五

王氏舉人王應鵠長女年十九適庠生周國瓚之子祥  
麟甫一載夫卒無嗣矢志冰霜越二十餘年始立從  
姪丕煥爲嗣事翁姑以孝聞迄今苦節四十餘年矣  
子亦成立

李氏汪汾妻庠生李延嵩女夫亡氏年二十六冰操不  
移撫子師元成立孫懷珠入邑庠壽八十餘終

李氏峴文泗妻撫兄子際唐承祧泗沒氏年二十二矢  
志貞靜事翁姑曲盡其孝教子以義子際唐增生

童氏許正卿妻生二子夫沒氏年二十八勵志冰操喜



讀書送子甚慤次子光奎中壬午舉人苦節二十七  
年而終

李氏陳世用妻夫沒氏年二十七節義自守事翁姑無  
匱教子以嚴子昌璧歲貢苦志三十二年

李氏監生李金廣女幼讀書知大義未字時祖李遠病  
廢事之曲得歡心及適傅緝生子甫三歲夫沒不服  
麗彩不與宴會念切撫孤守節以終

李氏周化南妻生子元福夫亡氏年二十五事翁姑以  
孝撫前婦子如己出毫無厚薄

安岳縣志

卷十三

節孝

六

周氏鄒檣妻生二子俱幼夫沒氏年二十六志佩堅貞  
以全撫孤之託家貧始終不渝其志苦節四十九年  
而卒

戴氏劉思陞妻生二子夫沒氏年二十八矢志撫孤堅  
如金石苦節三十餘年

曾氏蔡應堯妻宗聖裔毓常之長女生一子夫沒氏年  
二十九未幾子夭撫姪天秀爲嗣玉潔冰操四十六  
年教子成立入邑庠

黎氏李芝興妻興故氏年二十六銘心守節白璧無瑕



教子以義克有成立苦節四十八年

李氏周顯達妻達故氏年二十八苦志守節撫子成立  
迄今三十餘年

蔡氏汪洋妻泮故氏年二十七矢志從一撫子成立苦  
節三十三年

唐氏江華妻華故氏年二十九誓不再醮苦節六十五  
年

洪氏江正禔妻監生洪正連女禔沒氏年二十五銘心  
守節在家以勤儉自持無出撫姪承嗣現苦節二十

安岳縣志

卷十三

節孝

七

年

劉氏汪德崙妻夫沒氏年少矢志冰霜始終不渝教子  
成立克振家聲閭里咸欽其志節

以上十七人俱道光時請

旌表

陳氏庠生鄒榎妻貢生陳必才女適鄒生子四夫亡氏  
年二十八以節自勵有衰翁八旬家貧紡績以供養  
膳課子詩書爲業長子長祚廩生次長濬己酉拔貢  
登賢書次長春中副榜孫紹觀甲子解元乙丑進士  
任廣東文昌饒平知縣紹鼎紹壯廩生紹謙紹泰庠



生贈孺人歷節八十二卒

羅氏鄒桂妻生一子夫病沈痾氏默禱割股以進卒不  
愈氏年三十矢志守節奉親撫子一無所苟子長發  
監生

王氏周祚拔妻生一子將週歲拔卒氏年二十九守節  
自矢事翁姑始終不懈教子亦克成立

梅氏章文梁妻生子歲未週夫故氏年二十五守節撫  
孤有孀姑奉養純一朝夕不離姑沒殯葬以禮子亦  
成立

安岳縣志

卷十三 節孝

八

周氏毛紹章妻生四子夫故氏年二十九矢志守節撫  
子耕讀四子俱成立

王氏楊紹儒妻生二子夫亡氏年二十七盟心守節事  
姑奉養盡孝以詩書教子次子廷柱入邑庠

唐氏鄧一文妻生子未逾月夫沒氏年二十三誓不再  
適撫子成立

梅氏蔡萃妻生子甫半歲夫故氏年二十零丁孤苦盟  
心守節翁姑俱存氏躬親侍奉不衰撫孤成立爲配  
未幾子媳旋天家貧無措備歷辛苦翁姑沒盡力殯



葬撫遺孫成立目見曾孫其才志真卓卓矣

王氏孫紹餘妻生二子夫故又生一遺腹子氏年二十九盟心守節家貧勤於紡績以自給撫三子成立

汪氏監生李天合妻生子甫半歲夫故氏年二十六誓不再適奉姑盡道持家勤儉子洪柱入成均

陳氏譚開明妻生子甫三月夫亡氏年二十二矢志冰霜繼而翁姑偕沒無伯叔獨力營葬清貧苦節怡然也年九十五歲

鄭氏黃元龍妻生二子夫沒氏年二十七矢志撫孤課

### 安岳縣志

### 卷十三

節孝

九

子最嚴子祖馨增生邑侯劉有儀旌之曰冰志岡松  
汪氏蔡齊英妻生子甫一歲夫沒氏年二十二守節撫孤杜門紡績終身不與宴會

楊氏史天成妻夫沒氏年二十二矢志守節僅一子復天食貧居孀煢然特立

王氏李德亮妻亮沒氏年二十四子甫六月翁姑以家貧令其改嫁氏誓不從紡績爲養翁姑沒營葬之費命子傭力以償後就居母家卒爲子成家焉

汪氏譚曾耀妻生一子夫沒氏年二十六矢志從一撫



子成立

蕭氏周永志妻生一子夫沒氏年二十八誓不再適訓子以義子廷鑑入武庠

堯氏邱定學妻生一子夫沒氏年二十二矢志靡他苦節五十餘年

孟氏熊震能妻中江監生孟觀光女生三子夫沒氏年二十九矢志守節不赴宴會養親教子循循有法度可風

安氏譚纁妻纁沒氏年二十七無出撫姪爲嗣從一自

安岳縣志

卷十三

節孝

十

誓不服華飾不與宴會以清貧終焉

王氏彭端妻夫沒子方彌月氏年二十一矢志守節撫孤甫一載夫弟夫婦俱沒遺二子撫之無異己出及長不許擅入城市其嚴切如此

彭氏張世澧妻生子來孝夫沒氏年二十四立志撫孤不飾艷服亦不與宴會世人罕有及者

蔣氏李元品妻樂至縣職員蔣盛先女生二子夫沒氏年二十八勵志守貞撫子誦讀長子上珍庠生苦節五十餘年



易氏監生夏茂連妻生子五歲夫沒氏年二十六勵志  
守節事繼姑尤孝子綸沉入太學

孔氏袁叔義妻生六子夫故氏年二十八或勸其改嫁  
托以幼子尙在襁褓終無他志撫子成立子繼祖入  
太學苦節四十餘年

程氏周聯英妻生子紹統夫亡氏年二十六守節不移  
撫子成立至八旬精神強健猶樂善好施以義聞於  
鄉黨

楊氏彭祖善妻生二子夫亡氏年二十七矢志冰霜令

安岳縣志

卷十三

節孝

十一

二子業醫後俱成家德生舉充醫學訓科

譚氏陳天毓妻庠生譚紘女生一子夫亡氏年二十四  
子旋沒誓不再適撫姪承嗣節傲冰霜子亦成立

張氏王璋妻姑病藥罔效氏割股進之遂愈邑侯丁思  
顯旌其門曰純孝性成厥後張病其次媳陳氏復割  
股以進人咸謂孝德之報云

昌氏趙履榜妻家甚貧姑病思肉食氏典絮易肉以進  
姑復索之氏割股進姑病遂不藥而愈人謂爲誠孝  
所感云 以上三十人入四川通志



楊氏蓬溪縣貢生任巴縣訓導楊文言次女幼聰慧喜讀書適邑庠生汪翀雲生二子夫故氏年三十子俱幼翁姑在堂氏矢志守節奉養親操中饋迨翁姑沒盡力殯葬二子亦親爲授經長子春入泮次子鳴韶丁酉選拔

郭氏王宗濬妻夫故三月生遺腹子氏年二十守節撫孤誓不再適奉翁姑以孝聞

易氏漆世榮妻生子未及週夫沒氏年二十二守節撫孤翁姑在堂孝養盡禮課子詩書克有成立以上舊志

### 安岳縣志

### 卷十三 節孝

三

孟氏中江拔貢孟郊次女周毓麟繼室姑張氏患乳巖臥牀二十餘載膿血沾濡侍婢多不欲近氏左右就養始終不倦及卒哀痛幾不欲生人稱其孝

譚氏廩生譚仁山女武舉譚景岷姊年十九適舉人周文席之四子庠生永第爲室文席選湖北宜都縣知縣未挈眷去氏奉姑郭氏甚孝及解組歸清風兩袖旋沒伯嫂析居氏夫亦隨沒氏事姑愈謹姑感其孝謂氏曰天必佑汝子孫顯榮矣時長子國咸已先遊泮氏因夫亡奉姑之暇紡績佐讀子國頤中庚午經



魁國豫入縣庠孫祚岐入溫江縣庠生僉謂氏爲孝姑之報云壽九十乃終

孟氏庠生章文樸繼室遂邑儒家女性嚴明識經史年二十五夫故撫嫡子如己出家貧以紡績養翁姑孫廷傑曾孫觀民親授經課讀俱少年遊泮六旬時族弟副都御史孟邵祝以詩曰節比松筠晚更芳自甘古井凜冰霜佩聲韻叶徽音遠菽畫書傳世澤長夜半鳴機愁欲絕山頭化石憾難忘惟餘一事差堪慰不負殷勤屬小郎壽七十六終

安岳縣志

卷十三

節孝

三

楊氏監生周毓喆妻生三子夫沒氏年三十撫孤成立子元愷補博士弟子員後姑目盲氏扶持始終如一繼與叔分爨氏之業係叔祖侯西與喆者眾疑氏私爲己有氏悉出分之以釋眾疑珠江周升恆爲之傳湯氏李文仲妻生二子夫沒氏年二十二矢志冰霜奉翁姑克孝撫子有法長子羣玉列明經次羣枚列膠庠邑侯鄭吉士旌之曰德昭壺儀

蔡氏馮紹聞妻江南督糧道蔡齊明女生三子夫沒氏年三十事翁姑極孝翁謙任西昌教諭氏在家荆釵



椎髻親操井臼教子有方子仕堯入泮仕璪中癸酉舉人

盧氏章芳華妻性純一生一子夫沒有繼姑與年相等氏事之至老敬慎不倦教子克勤子廷傑增生現年九十餘歲精神強健

王氏庠生姚紹中妻生一子夫卒氏年二十九矢志冰霜持家勤儉子錫宐增生苦節二十餘年沒

王氏舒發碧妻生子應科夫沒氏年二十二歲立志守節撫子成立娶媳萬氏未幾子夭媳年十九有幼子

### 安岳縣志

### 卷十三

節孝

西

亦以守節撫子繼其姑志姑媳凡送客不出大門一門雙節聞於鄉黨王氏現年六十餘萬氏現年四十餘歲

樊氏鄧培寬妻年二十一夫故遺腹生一子氏貞靜自守撫養成立苦節三十年

王氏羅粹書妻庠生王大紳女夫沒生遺腹子家貧舅姑欲奪其志氏誓死不移勤於紡績以養親教子卒年七十有六迄今四世同堂

蔡氏王大紳妻夫沒氏年二十六無子矢志貞一撫姪



爲嗣克使成立苦節五十年

康氏謝學德妻夫故氏年十九撫遺腹子矢志靡他以禮自律卽弟姪亦不常見苦節五十餘年

周氏廩生汪師俊妻生二子夫沒氏年二十八家貧貞一自守不以貧移勤女紅以爲奉養撫子有道凡婚嫁俱盡禮不苟苦節三十餘年

孔氏馮樸妻生二子夫沒氏年二十五勵志守節家貧其翁八十餘紡績爲養繼而兄嫂隨沒遺一子一女氏竝撫之成立苦節四十餘年

### 安岳縣志

### 卷十三

節孝

五

董氏陶進英妻年十七歸陶一載夫卒無子有孀姑氏盟心守節以奉姑自任後胞弟夫婦俱沒遺一子撫之如己出至於成立苦節四十餘年沒

蔡氏孔傳典妻夫沒無子氏年二十九矢志堅貞撫姪承嗣至今三十餘年

楊氏蔣成全妻夫卒氏年二十遺一子尙在襁褓矢志守節言笑不苟至今五十餘年

廖氏童學名妻生二子夫沒氏年二十六自矢從一事姑勤謹撫育二子皆已成立苦節三十八年



龍氏張應選妻夫沒氏年二十八撫遺腹子以貞節自勵子亦有成苦志四十餘年

楊氏黃道忠妻夫沒氏年二十八生子尙幼鮮伯叔氏撫之慈嚴兼濟卒至成立壽八十餘乃終

楊氏黃良棟妻生子甫六歲夫沒氏年二十四有孀姑事之克孝撫幼子成立壽八十餘乃終

蕭氏監生黃金文妻生三子夫沒氏年三十祖姑及姑猶存氏奉養俱極孝撫子皆成立子玉環入太學令七十五矣三世冰操一門耄壽義氣猶凜凜也

安岳縣志

卷十三

節孝

共

李氏胡朝珍妻年二十八夫故子正玉甫三歲氏守節撫孤終始不移壽九十餘

鄭氏羅宗宣妻適羅半載夫沒氏年二十撫姪爲嗣甫成立完配生一子旋夭姑媳孀居苦節五十二年

趙氏馮鈞妻生二子夫沒氏年三十家貧恃機杼爲業撫子成立子仲文入太學苦節五十八年

楊氏劉景光妻夫卒氏年二十二志在全節撫遺腹子朝芳成立苦節四十餘年

向氏陳正明妻年二十夫故生一子方幼未幾子夭撫



姪承嗣苦節四十餘年

劉氏王在榜妻生一子夫卒氏年二十二守節撫孤成立娶媳劉氏半載子夭媳年二十三克繼姑志有以厚匳勸其改嫁者氏志愈堅後撫姪承嗣一門雙節後先濟美

羅氏庠生周國瓚子祚杰妻杰故氏年二十七一子尙幼氏守貞撫孤今已成立苦節三十七年

劉氏趙正品妻夫沒氏年二十三矢志守節撫兄子爲嗣課讀最嚴子玉書入郡庠苦節二十六年

安岳縣志

卷十三 節孝

七

劉氏周祚熊妻生子四月而熊卒氏年二十六誓不再適撫子成立苦節三十餘年臨沒曰不負所託可以見死者矣遂卒

周氏舉人陳策妻庠生代科女事翁姑最孝無子夫赴禮部試沒於京氏聞之悲切不食幾死者再堅志守節撫從子爲嗣苦節已二十二年矣

蔡氏汪履麒妻廩生蔡衡玉女生子甫二歲夫沒家貧祖姑李氏姑劉氏竝孀居氏矢志守節機杼之餘不苟宴會平居不聞笑語聲奉祖姑與姑始終無失禮



撫子成立

戴氏何芳遠妻生子二歲夫故氏年二十八矢志守節撫子成立未幾子亡撫其遺孫辛苦備嘗宴會不一與焉苦節四十餘年

譚氏高祖相繼室副榜譚曾三妹相病氏割股進不愈氏年二十一誓志守節撫前婦子如已出現年四十餘歲

劉氏羅德元妻夫故氏年二十五矢志貞操無子撫姪爲嗣苦節三十年

安岳縣志

卷十三

節孝

六

黃氏武庠唐世泰妻監生黃國榮女夫沒氏年二十八盟心守節撫遺腹子成立苦節四十餘年

蔡氏監生周鳴鳳妻無子妾生一子德昌甫半歲夫沒族中欲謀其產者勸氏及妾改適妾去氏獨毅然以撫孤自任上事衰姑下撫幼子卒禦外侮子成立入太學壽八十三終

陳氏陳其純女年十四適文應祥生一子方歲餘夫病恐其少艾難守氏以死自誓夫沒氏年十九備極艱辛後乃典其釵飾耕鑿爲業今子成立



劉氏楊文超妻夫沒氏年二十四矢志守節撫子成立  
苦節三十年學使黃琮旌曰矢志靡他

汪氏曾錫紳妻夫沒氏年二十三撫子成立苦節五十  
九年

李氏峴運宏妻廣東仁化知縣峴開發孫媳夫沒氏年  
三十子幼氏守節撫孤苦節四十一年

周氏劉萬鶴妻夫卒氏年二十四子甫三歲矢志守節  
以事姑教子迄今苦節四十四年

廖氏張遵秀妻夫故氏年二十三矢志守節撫子成立  
苦節二十九年

安岳縣志

卷十三

節孝

九

李氏張遵秀妾夫沒氏年二十矢志不醮善事嫡同撫  
一子苦節二十八年卒

銀氏戴順世妻生二子夫故氏年二十八守節撫孤性  
極恬靜凡事皆循禮法子亦成立苦節五十四年

曾氏蔡應順妻夫卒氏年三十家貧矢志冰操撫子成  
立苦節四十年

李氏監生張朝元妻夫卒氏年二十八矢志守節撫子  
成立苦節三十八年



洪氏何永昭妻夫卒氏年二十七盟心守節撫姪爲嗣  
苦節四十一年

鄭氏盧基興妻夫故氏年二十二守節撫子苦志四十  
四年

李氏盧基琳妻夫沒氏年二十三守節撫子子亦成立  
苦節四十一年

曾氏陶鑑妻生二子夫故氏年二十七守節撫子苦節  
三十一年沒

鄭氏雷文品妻嘉慶五年夫沒於賊氏年二十四矢志  
冰霜撫子成立守節已三十四年

陳氏周文復妻始病不能行履氏親侍左右夫病割股  
以進又私禱願以身代遂愈生子半載夫旋沒撫養  
成立苦志終身

張氏蕭大朝妻夫故遺三子氏年二十九守節撫子均  
使成立苦節四十二年沒

王氏蕭良弼妻夫卒氏年二十四守節撫子今已二十  
三年

黃氏賈守寬妻生一子夫卒氏年三十守節撫子今已

安岳縣志

卷十三 節孝



苦節三十七年

周氏陶大江妻生一子夫卒氏年二十二矢志守節事親克孝撫子成立苦志三十五年

馬氏廖斯珍妻生四子夫沒氏年二十七矢志守節撫子成立俱授室各生一子四子相繼沒氏復撫其四孫成立苦節五十餘年

楊氏李必鳳妻夫沒氏年三十子幼氏守節撫子迄今二十八年

李氏王文章妻夫沒氏年二十二子尙幼氏守節撫孤

安岳縣志

卷十三 節孝

三

至於成立嘗訓其孫曰讀書如績然因端以分引緒而出粗者使精斷者使續積而成布乃可爲服孫以銘之書室

蔣氏唐仕遂妻夫故氏年三十盟心守節姑八十餘事之克孝子甫九歲教之成立後曾孫宗憲入郡庠謝氏唐邦鼈妻夫卒氏年三十子幼氏立志守節養親教子苦志三十一年

張氏李國漢妻生二子夫故氏年二十八矢志貞一孝養翁姑次子時春入武庠現年六十八歲



賴氏姚紹廣妻夫沒氏年二十六矢志守節撫子成立  
苦節二十餘年

舒氏周嗣烈妻夫沒氏年二十八矢志守貞事翁姑克  
孝撫姪爲嗣克使成立現年七十六歲

鄭氏周嗣發妻生子八月夫故氏年二十三矢志堅貞  
撫子成立壽七十五終

許氏周建明妻生子三月而夫沒氏年二十二矢志守  
貞不與宴會有孀姑曲盡其孝撫子以慈卒使成立  
現年四十三

安岳縣志

卷十三

節孝

三

曾氏劉侯鎮妻生三子夫沒氏年二十九家甚貧以紡  
績餬口夜拾木葉代膏時鄰居有逼之改嫁借以獲  
貲者氏不從旋徙避之持家有法撫子孫成立至程  
驥入郡庠壽九十餘終

王氏雷正觀妻生三子夫故氏年二十六勵志守節家  
貧以機杼教子讀書三子俱篤學能文歲進士聲宏  
其曾孫也壽八十終

楊氏岳安邦妻夫故氏年二十七痛絕者數矢志守貞  
撫幼女七年而沒



龍氏羅文素妻生子甫三月夫沒氏年二十二矢志從  
一族人欲奪其志不從攜幼子寄母家三載乃歸撫  
子成立邑侯郭佑達題其門曰筠節長存年七十六  
終

沈氏梅廷爵妻年二十七夫故矢志守節事祖父母及  
翁姑純孝性成殯葬盡禮有幼子撫之以義後孫興  
魁入郡庠現年七十五歲學政黃琮旌曰竹節松年  
廖氏張其亨妻生二子夫故氏年三十盟心守節奉親  
克孝教子以義嗣孫多列武庠

安岳縣志

卷十三

節孝

三

王氏周緒妻夫故氏年二十七無子撫姪爲嗣盟心守  
節不與宴會不多笑語年七十精神強健

漆氏仇一愷妻夫故氏年二十八矢志守節養親撫子  
始終不渝年七十餘終

徐氏遂邑徐榮達女年十八適袁明有生子甫逾月夫  
卒氏年二十一矢志守節事姑撫子曲盡孝慈壽近  
六旬猶課孫誦讀晨夕不倦

包氏文開鳳母夫故氏年二十八冰霜勵志祖父繼沒  
殯葬備歷艱辛家道日興子亦成立以壽考終



趙氏王在魁妻事翁姑克孝得其歡心翁患病氏奉水  
煮茶翁衣被火氏搦之十指皆炮始終無違今年近  
九十精神猶健子致鷓廩貢生

彭氏劉榮發妻生一子夫故氏年二十六矢志守節撫  
子成立現年七十有三

劉氏雷秀贊妻生子大有夫亡氏年二十六守節三十  
五年學使潘光藻旌曰葆貞完孝

唐氏向玉振妻生子拱宸甫三月夫故氏年二十二歲  
守貞撫孤奉翁姑盡婦職以詩書教子刻勵裁成現

安岳縣志

卷十三

節孝

三

年五十二歲

汪氏庠生汪宗仁女適熊世賢生二子夫沒氏年二十  
六歲矢志守節事孀姑俸養不倦撫幼子俱已成立  
苦節三十餘年

尹氏曾廷蘭妻夫故氏年三十孝翁姑撫三子成立苦  
節二十四年

何氏唐光榮妻夫亡氏年二十二只一女撫姪爲嗣宴  
會賓客非至親不與守節四十餘年

吳氏蔣清泰妻生二子夫故氏年二十四矢志守節孝



親撫子持身勤儉壽七十八終

袁氏增生汪甘埜妻甫二歲喪母依兄嫂嘉慶五年婚期屆矣適遇賊亂父兄欲避賊先遣歸壻氏守禮以待期及期賊已入境仍執親迎禮行至半途賊益逼近氏卒成禮而歸克免於難顛沛之中能以禮自持故表之以爲處變者風

李氏周廷綱妻夫故氏年二十五矢志守節始終不渝現年六十七歲

陳氏庠生陳文明女適鄒長齡生二子夫故氏年二十

安岳縣志

卷十三

節孝

三

九矢志守節奉姑敬謹課子詩書爲業子紹鼎紹壯俱廩生現年六十一歲

陳氏王進妻庠生陳文明女夫沒氏年二十八勵志冰霜始終不渝現年五十九歲

王氏汪洵妻遂邑歲貢生王汝基女生三子夫沒氏年二十六勵志守節克終孝養撫子成立學使潘光藻旌曰葆貞完孝現年六十餘歲

楊氏郭洪葆妻夫卒氏年二十六遺一子撫養成立現年四十餘歲



龍氏庠生吳士魁妻年二十七夫故生二子俱幼嘉慶五年二子被賊掠去氏獨守閨中年餘次子正川歸家艱苦備嘗後子捐衛千總漸至家給皆氏力所致也

劉氏李朝璠妻夫沒氏年十八撫姪爲嗣事姑盡孝守節已十五年

安氏周維天妻生一子夫沒氏年二十八勵志守節撫子成立卒年六十六歲

李氏周維大妻夫沒氏年二十五孀居守節始終一志

### 安岳縣志

### 卷十三

節孝

三

現年六十四歲

盛氏遂邑盛在位女適王之亮生二子夫沒氏年二十四勵志守節事孀姑克盡婦道歷節六十餘年卒長媳文氏夫沒年二十九次媳馮氏夫沒年二十八俱堅持清操克繼姑志一門三節閭里稱之

毛氏羅聯芳妻夫沒氏年二十七無子撫姪爲嗣守節三十一年

楊氏李泌妻生一子夫沒氏年二十四矢志守節撫子成立壽八十終



王氏何遠明妻生一子夫沒氏年二十四復遺腹生一子矢志守節次子盛德妻秦氏生二子夫沒氏年二十八長孫治達妻張氏生一子夫沒氏年二十八皆克繼姑志撫子成立一門三節人咸稱之

蔣氏劉應選妻奉翁姑盡孝姑李氏染病數月不愈氏割股以進姑卽愈人謂爲誠孝所感

梅氏湯之寬妻生二子夫故氏年二十九矢志柏舟後二子俱亡撫幼孫事翁姑生死盡禮現年五十七歲

李氏庠生劉太勳妻夫沒氏年二十九無子立志守貞

安岳縣志

卷十三

節孝

三

撫姪成立娶媳李氏未幾子復夭媳年二十四有幼子亦盟心守節克繼姑志現年六十餘

匡氏劉太崑妻夫亡氏年二十九矢志從一持家勤儉撫子克敦豐裕現年七十餘

楊氏張官員妻嘉慶五年員被賊掠氏年十八生遺腹子立志守節事翁姑克孝現年五十餘

汪氏孔述禹妻生子甫數月夫沒氏年二十八守節不渝今八十尙健

楊氏魏榮斌妻生子甫週歲夫亡氏年二十六矢志柏



舟撫孤成立現年五十三

張氏姜朝贊妻生一子夫沒氏年二十二勵志守節撫子成立歷節三十年

熊氏廩生汪孔昭妻生二子夫以家赤貧遠出氏熒然子立事姑晚氏曲盡其孝姑沒殯葬如禮子亦成立郭氏郭從善女母病危醫罔效長女割股進病遂愈未幾母病復發次女年甫十四亦割股進母病以痊厥後父從善病劇次女仍割股進病立愈孝思之忱誠與天通矣

安岳縣志

卷十三

節孝

三

陳三姑陳周祚女幼許字曾榮泰次子曾徙雲南後曾次子沒命其他字姑謂父母曰既無兄弟女又適人父母何托願終身奉養凡媒妁至姑面斥之及父母沒殯葬畢以餘業附堂兄弟自食其力以終身鄭氏岳毓秀妻夫病數月不愈割右股救之即愈蔡氏庠生王作賓妻姑病垂危氏割股進病尋愈楊玉蘭楊炯之女年十二割股愈母病吳氏楊霞妻姑病藥罔效氏割股進之田氏監生田仕梅女適武庠陳正選選應歲試沒於道



氏年二十五生子方踰月矢志守節服闋後猶衣素  
無笑言除歸寧外雖至親姊妹輩邀之不往奉侍翁  
姑得其歡心勵節已十五年

何氏楊勝友妻生子一夫沒氏年二十八矢志柏舟撫  
孤成立現年五十八歲

侯氏陳仕道妻生一子夫沒氏年二十六矢志冰霜孝  
養翁姑撫子成立年七十九卒

周氏蔡天牧妻年二十四夫沒養姑撫子有名媛風現  
年五十六歲

安岳縣志

卷十三

節孝

元

鄭氏張正直妻夫沒氏年二十八無子矢志從一撫子  
承祧現年四十五歲

戴氏陳芝秀妻年二十夫沒四月遺腹生一子勵節撫  
孤備歷艱辛年五十八卒

戴氏朱順明妻夫沒氏年二十二勵志冰霜現守節二  
十年

匡氏李學芳妻生二子夫故氏年二十九矢志守節事  
親盡孝撫子成立

蕭氏李秉玉妻生二子夫沒氏年二十八矢志守節撫



子成立

李氏蔣生萬妻夫沒氏年二十四無子盟心守節事姑  
盡孝現年四十九歲

李氏吳錫高妻生三子夫沒氏年二十七矢志柏舟孝  
養翁姑撫子成立

杜氏劉洪道妻生四子夫沒氏年三十立志孀居由黔  
遷蜀訓子耕讀季子遊泮儒學贈以匾曰節重坤維  
杜氏劉松妻年二十生一子夫故勵節撫孤年八十七  
卒

安岳縣志

卷十三

節孝

三

馮氏劉紹泗妻生一子夫沒氏年二十七矢志從一教  
子以義卒年七十七

王氏劉紹基妻生一子夫故氏年二十三矢志守節撫  
子成立卒年八十三

黃氏蕭毓榜妻生二女無子年二十九夫沒矢志守貞  
事葬翁姑盡禮年九十二卒

蔣氏蕭毓提妻無嗣勸夫娶韓氏亦無嗣夫沒氏年三  
十韓年十六同勵志守節韓七十二卒氏今九十一  
尚健



夏氏遂邑夏崇瀾女適監生唐成學生一子甫六月夫  
沒氏年二十七守節奉姑撫子成立有姪甫三歲失  
怙恃氏亦撫之成立年六十卒

萬氏廖世俊妻性純孝事翁姑養志承歡曲盡其道子  
孫五世同堂聿昭雍睦僉謂氏之孝行有以化之年  
八十九卒

張氏武庠賴天培妻事姑克孝夫病垂危藥罔效氏籲  
天割股進之病尋愈氏旋以疾卒

鄧氏唐開挺妻夫沒氏年二十八撫姪爲嗣現守節五  
十年

安岳縣志

卷十三

節孝

三

藍氏周代玉妻夫沒氏年二十八孀居冰霜凜然侍俸  
翁姑出入不踰尺寸撫子成立現年七十八歲

王氏周長吉妻生一子夫沒氏年二十四守節奉姑撫  
子成立現年四十歲

謝氏李臨泮妻生二子夫沒氏年二十五堅心守節事  
翁姑克孝撫子成立現年四十歲

蔣氏楊清徽妻夫沒氏年二十六無嗣誓不再醮事翁  
姑盡孝里人賢之現勵節三十餘年



洪氏龐永年妻生一子夫沒氏年二十一矢志守節現年四十四歲

洪氏監生洪正璉女適陳正揚生一子夫沒氏年二十四盟心守節事親盡孝現年五十一歲

郭氏姜朝貴妻夫沒氏年二十四矢志守節撫姪爲嗣現年五十餘歲

田氏楊朝祖妻生二子夫沒氏年二十四矢志冰霜撫子成立現年五十八歲

張氏王德超妻夫沒氏年二十四勵志守節孝養翁姑

安岳縣志

卷十三

節孝

三

撫姪爲嗣現年六十餘歲

李氏董仕魁妻生一子夫故氏年二十七有勸以改適者氏涕泣誓不再醮願甘貧守節以奉翁姑現年五十餘歲

田氏陳希繼妻夫故氏年二十六矢志守貞孝養翁姑撫子成立年六十九卒

劉氏蔣永晟妻夫沒氏年二十九盟心守節始終不渝現年六十餘歲

周氏羅德濬妻生一子夫沒氏二十四矢志守節撫孤



成立現年四十歲

王氏樂至庠生王有奇女適庠生李承膏生二子夫沒氏年二十三守節奉姑以紡績供給始終維謹卒年六十二歲

馬氏譚纓妻侍御言藹之胞叔母性純孝事翁姑克敦婦道纓沒時以父母囑氏奉養愈謹生事葬祭曲盡其禮閭里賢之卒年九十四歲

汪氏楊恆玠妻姑病氏兩次割股進之

陳氏藍耀翊妻生一子夫沒氏年二十三守貞茹苦事

安岳縣志

卷十三

節孝

三

翁姑承歡無閒言時有富家子欲強奪其志氏面唾不休卽尋自盡伯叔益信其志節堅貞旋撫慰之而氏孝敬如故撫子成立

康氏顏其書妻夫故氏年二十二子甫三歲氏立志守節家貧翁姑皆六旬餘旁無昆弟氏竭力奉養撫子成立歷久不渝

譚氏峗文綱妻生一子夫沒氏年二十九天志守節家貧以紡績送子讀書子運侗通醫學

黃氏蔡天俊妻夫故氏年二十五盟心守節有勸以改



適者氏曰夫以翁姑屬我忍相棄乎不從撫姪爲嗣  
克使成立

王氏梅正昌妻生子甫二歲夫沒氏年二十子旋夭後  
撫姪承嗣終無他志

胡氏胡天池女適李合第二載夫沒無子翁姑欲嫁之  
氏誓死不移願事翁姑以終後翁姑沒削髮爲尼

楊氏朱守科妻年二十九夫沒撫遺腹子誓不再醮翁  
姑俱逝與伯同爨後與伯分產概不與較

戴氏謝復元妻生一子尚幼夫沒氏年二十八守節撫

### 安岳縣志

### 卷十三

節孝

三

子子亦成立現年四十餘

蔡氏周典妻生子丕槐八月而夫沒氏年二十五守節  
撫子迄於成立現年四十餘

譚氏姚錫俊妻生二子夫卒氏年二十七矢志從一撫  
子成立勵節十八年卒

李氏鄧一中妻夫沒氏年二十七遺腹生子朝魁矢志  
守節撫子成立入太學

李氏楊秀芬妻夫沒氏年二十八生二子俱幼守節撫  
之成立



楊氏羅德耀妻夫卒氏年二十三子幼矢志守節撫子成立

張氏劉緒才妻年二十二夫故無子撫姪承嗣事翁姑克孝教子以義始終不渝其志

石氏李茂妻年二十六夫卒有二子尚幼氏守節撫孤俱已成立

郭氏張維桂妻夫卒子幼氏年二十八矢志不醮撫子成立卒能成家

李氏唐文中妻生子歲餘夫沒氏年二十二誓不再醮有孀姑氏奉養無違撫子成立

曾氏蕭明遠妻夫沒氏年二十八誓不再醮生二子尚幼今已成立

聞氏汪榮佩妻生二子夫卒氏年二十九矢志守節撫子成立

尹氏劉廷贊妻生二子夫沒氏年二十九矢志從一撫二子俱成立

吳氏劉文林妻夫沒氏年二十九無子矢志守節撫姪爲嗣迄於成立



劉氏郭洪莒妻夫卒無子氏年二十二立志守節撫姪  
爲嗣

劉氏呂榮芳妻夫沒生遺腹子氏年二十二矢志守節  
撫子成立

曹氏李世鳳妻夫故氏年二十三生子幼矢志守節多  
歷艱辛孫紹棠入邑庠

吳氏劉安華妻夫沒氏年二十八矢志守節撫子成立  
汪氏孔紀詩妻生一子夫故氏年二十八矢志守節以  
養親撫子

安岳縣志

卷十三

節孝

三

徐氏羅漢明妻夫故氏年二十矢志守節以養親教子  
康氏楊開桂妻生二子夫故氏年二十六守節撫子克  
使成立

李氏唐思道妻夫沒氏年二十八生三子尙幼守節撫  
子始終不渝

陳氏蔣榮喜妻夫卒無子氏年二十二矢志貞一撫姪  
爲嗣

劉氏雷武韜妻年二十二夫卒無子矢志冰操撫姪爲  
嗣



蔣氏劉應典妻生二子夫故氏年二十六矢志守節養親撫子克盡婦道

李氏蔣應斌妻生二子夫故氏年二十九矢志冰操撫子成立

徐氏羅榮耀妻生二子夫故氏年二十八矢志貞操事翁姑克孝撫幼子成立

林氏蔣顯烈妻夫故氏年二十九守節撫孤嚴慈兼施羅氏宋禮夫妻生子甫三歲夫故氏年二十一矢志冰操多歷艱辛子亦成立

安岳縣志

卷十三

節孝

三

李氏陳某妻年二十八夫故家貧勵節有四子均撫成立其翁年九十一姑年八十四氏孝養不衰

張氏謝學純妻夫沒氏年二十六無子矢志守節撫姪為嗣

周氏陳光宇妻生子甫二月夫亡氏年二十矢志從一孝順翁姑撫子成立現年五十三歲

張氏廖世明妻夫故氏年二十九矢志守節無子撫姪為嗣有衰姑事之克孝子亦成立

蔡氏監生蔡齊星女適孔紀憲憲卒三月遺腹生一子



氏年十九勵志撫孤侍俸翁姑始終不渝

陳氏曾應點妻生子甫四月夫亡氏年十九翁姑亦先後去世胞弟四人皆幼氏勤紡績以謀衣食均撫成立現年五十八歲

高氏王德美妻生二子夫沒氏年二十九矢志勵節內外稱賢

李氏何世華妻生子歲餘夫沒氏年十九復遺腹生子矢志不渝均撫成立

徐氏劉維常妾無嗣嫡沒遺二子俱幼次年夫沒氏年

### 安岳縣志

#### 卷十三 節孝

三

二十九撫二子成立後二子俱沒遺二孫氏均撫養完配

熊氏蔡天乙妻生四子夫故氏年二十八矢志守節姑病遺幼弟一人氏事姑誨弟撫子俱已成立現年四十六歲

許氏舉人光奎之妹適梅正盈翁瞽姑癱氏奉養十餘年曲盡孝道夫沒獨力事姑者八年閭里稱之

汪氏呂榮魁妻夫沒氏年二十無子矢志從一有勸其改適者氏翦髮誓之撫姪承嗣



吳氏陳上藩繼室年十九夫故無出撫前婦子成立後  
子媳俱亡遺幼孫氏亦撫之成立現年九十五歲  
曾氏王廷槐妻邑貢生曾萬善胞妹夫沒氏年二十八  
矢志守節撫姪爲嗣現年六十歲

賀氏陳國位妻夫故氏年二十苦志守節撫子成家現  
年八十一歲

安岳縣志

卷十三

節孝

三九